



Imlitir 0026/2012

Boird Bhainistíochta agus Príomhoidí na mBunscoileanna

An Scéim Teagasc Baile 2012/2013

1. Tús eolais

Ceapadh an imlitir seo chun eolas a sholáthar mar gheall ar an Scéim Teagasc Baile.
Gheofar eolas sonrach ann ar na nithe seo a leanas:

- Cuspóir na scéime
- Na critéir cháilitheachta faoi théarmaí na scéime
- Leithdháileadh uaireanta faoi théarmaí na scéime
- Cáilíochtaí na soláthraithe teagaisc
- Comhlánú na foirme iarratais
- Nósanna imeachta íocaíochta

Tabhair do d'aire, le do thoil, go n-iarrtar ar iarrthóirí ar theagasc le haghaidh scoilbhliain 2012/2013 foirmeacha iarratais a bheith seolta ar ais go dtí an Roinn Oideachais agus Scileanna ar an 28 Meán Fómhair 2012 ar a dhéanaí.

2. Cuspóir na scéime

Ceapadh teagasc baile chun seirbhís oideachais chúiteach a sholáthar do:

- (a)** Leanaí a bhfuil staid mhíochaine shuntasach acu ar dócha go gcuirfidh sé isteach go mór ar fhreastal leanúnach an linbh sin ar scoil. Mar sin cuirfear teagasc baile ar fáil do leanaí sa chatagóir seo:
- nach féidir leo freastal ar scoil ar chor ar bith.
 - atá as láthair ar feadh mórchuid den scoilbhlian agus mar a chiallóidh an méid neamhláithreachta sin nach dócha go bhfeidhmeodh an dalta sin go hacadúil ar leibhéal atá cuí dá leibhéal cumais, gan teagasc forlíontach.

(b) Leanaí a bhfuil Riachtanais Speisialta Oideachais acu, atá ag feitheamh ar áit scoile, mar bheart eatramhach, lena n-áirítear leanaí a bhfuil neamhord de chuid speictream an uathachais (ASD) orthu, atá 3 bliana nó os a chionn agus nach féidir leo áit a fháil i suíomh ASD, lena n-áirítear rang luath-idirghabhála.

(c) Leanaí idir 2 ½ year agus 3 bliana d'aois (a measúnaíodh mar leanaí a bhfuil neamhord de chuid speictream an uathachais orthu, bunaithe ar chrithéir DSM IV or ICD 10).

Idirghabháil chun oideachas a chur ar leanaí is ea teagasc baile agus é sin amháin.

Gnó is ea é d'FSS seirbhísí teiripeacha ar nós teiripe urlabhra agus teanga, teiripe cheirde, seirbhísí síceolaíocha agus mar sin de a chur ar fáil. Ní féidir cistiú do Theagasc Baile a úsáid chun seirbhísí dá sórt a chur ar fáil.

Coimeádann an Roinn aici féin an ceart socruithe a dhéanamh chun an soláthar oideachais a chuirtear ar fáil le cistiú faoin Scéim Teagasc Baile a mheas agus beidh na huaireanta ar fad a cheadaítear faoin scéim faoi réir an choinníll sin.

Cuirtear cistiú Teagasc Baile ar fáil do leanaí a bhfuil ASD orthu agus atá 2½ agus 3 bliana d'aois toisc nach féidir leo clárú i scoil.

Ní chuirtear cistiú le haghaidh teagasc baile ar fáil ach amháin le haghaidh leanaí idir 3 agus 4 bliana d'aois i gcás nach bhfuil áit i suíomh luath-idirghabhála ar fáil.

Ní chuirtear cistiú teagasc baile ar fáil do leanaí os cionn 3 bliana d'aois a bhfuil ASD orthu ach amháin mura a bhfuil áit scoile ar fáil. Ar na háiteanna scoile a nglactar leo, tá áit i scoil speisialta a chláraíonn leanaí a bhfuil ASD orthu; áit i rang speisialta i scoil phríomhshrutha le haghaidh leanaí a bhfuil ASD orthu; áit i rang luath-idirghabhála le haghaidh leanaí a bhfuil ASD orthu nó áit i rang príomhshrutha i scoil phríomhshrutha - le hacmhainní breise a leithdháileanna an NCSE de réir bheartas na Roinne. Ní mór do thuismitheoirí iarratas tráthúil a dhéanamh ar chlárú i scoil. Má dhiúltaíonn scoil leanbh atá os cionn 4 bliana d'aois a chlárú, is faoin tuismitheoir atá sé an diúltú a achomharc faoin alt 29 den Acht Oideachais.

Ról an NCSE:

Is é ról an NCSE áiteanna féideartha i ranganna speisialta nó i scoileanna speisialta atá á mbreithniú don leanbh a chur in iúl do thuismitheoirí. Déanfaidh an NCSE iarratais ar theagasc breise agus/nó tacaíochtaí SNA a phróiseáil ó scoileanna príomhshrutha agus ó scoileanna speisialta a chláraíonn leanaí a bhfuil riachtanais speisialta oideachais acu,

lena n-áirítear ASD. Cuireann an NCSE infhaighteacht áiteanna scoile in iúl don Roinn, leis.

Nuair a thagann Áiteanna chun cinn le linn Scoilbhliain 2012/13:

Is féidir áiteanna i ranganna speisialta agus/nó i scoileanna speisialta teacht chun cinn i gcaitheamh na scoilbhliana - uaireanta go luath sa scoilbhliain. I gcás go bhfuil leanbh os cionn 3 bliana d'aois ag fáil cistiú tríd an scéim teagasc baile, agus go dtagann áit chun cinn, cuirfidh an SENO in iúl do thuismitheoirí i gceantar ginearálta na scoile agus don Roinn go bhfuil áit ar fáil. Má thagann áit chun cinn i gcaitheamh na bliana, iarrfar ar thuismitheoirí atá ag fáil cistiú teagasc baile fianaise a chur ar fáil don Roinn go bhfuil iarratas déanta acu ar an áit sin. Scoirfear cistiú teagasc baile do thuismitheoirí nach ndéanann iarratas ar áit mar sin. Chun leanúint de bheith ag fáil cistiú teagasc baile, ní mór do thuismitheoirí a bheith in ann a thaispeáin don Roinn go ndearnadh iarratas dá shórt laistigh de 3 seachtaine ó fhógra a bheith faighte ón SENO agus nár éirigh leis an iarratas ar áit sa scoil.

Molann an Roinn go láidir do gach tuismitheoir a bhfuil leanbh acu a measúnaíodh mar leanbh a bhfuil ASD air/uirthi, teagmháil a dhéanamh leis an SENO áitiúil a luaithé is féidir. Gheofar sonraí teagmhála ar www.ncse.ie

3. Na critéir cháilitheachta faoi théarmaí na scéime

(a) Leanaí a bhfuil staid mhíochaine shuntasach acu ar dócha go gcuirfidh sé isteach go mór ar a fhreastal leanúnach ar scoil, cáilíonn siad le cur isteach ar theagasc baile faoin scéim:

Measúnaítear cáilitheacht dá sórt faoi threoir thuarascáil dochtúra agus taifid tinrimh a sholáthraíonn an scoil ina bhfuil an dalta cláraithe. I gcás neamhláithreachta ón scoil i gcás fóibe agus/nó dúlagar, ní mór tuarascáil a bheith ar fáil maidir leo ó shíceolaí/ó shíceateiripeoir/ó shíciatraí agus céimeanna a bheith molta chun feabhas a chur ar thinreamh. D'fhéadfadh an Roinn tuarascálacha nuashonraithe a lorg i gcaitheamh na bliana.

(b) Leanaí a bhfuil Riachtanais Speisialta Oideachais acu, atá ag feitheamh ar áit scoile, lena n-áirítear leanaí a bhfuil neamhord de chuid speictream an uathachais (ASD) orthu, atá 3 bliana nó os a chionn agus nach féidir leo áit a fháil i suíomh ASD, lena n-áirítear rang luath-idirghabhála.

Cinntear cáilitheacht faoin bhforáil seo i gcomhairle leis an gComhairle Náisiúnta um Oideachas Speisialta (NCSE) leis an Eagraí Riachtanas Speisialta Oideachais (SENO)

áitiúil, de réir mar is cuí. Leithdháiltear uaireanta teagaisc mar bheart eatramhach chun oideachas a chur ar leanaí atá ag feitheamh ar áit scoile. Ní mór d'iarratasóirí sa cháil seo roinn 2B nó 2C a chomhlánú i gcomhar leis an SENO de réir mar is gá agus gach measúnú/tuarascáil ghairmiúil lena mbaineann a bheith in éineacht léi. I gcás ina sainaithníonn an NCSE áit oideachais ach go roghnaíonn na tuismitheoirí nó na caomhnóirí gan glacadh leis an áit bheartaithe ní cháileoidh an leanbh le haghaidh teagaisc i scoilbhliain 2012/2013.

Tacaíonn an Stát le luath-idirghabháil do leanaí a bhfuil riachtanais speisialta oideachais acu trí chistiú a sholáthar do roinnt suíomhanna creise/réamhscoile, lena n-áirítear:

- Suíomhanna luath-idirghabhála i scoileanna príomhshrutha agus i scoileanna speisialta.
- Suíomhanna luath-idirghabhála a bhaineann le soláthraithe seirbhíse a mhaoíníonn FSS.
- Suíomhanna i réamhscoileanna príobháideacha arna dtacú ag an Scéim um Chúram agus Oideachas na Luath-Óige.
- Suíomhanna i réamhscoileanna príobháideacha arna dtacú ag cúnamh deontais FSS nó Cúntóir Réamhscoile arna thacú ag FSS.
- Teagasc Baile.

An aidhm ná tacú le struchtúr amháin luath-idirghabhála thar thréimhse ama. Idir an dá linn, faoi réir an tseirbhís a bheith ar fáil agus na critéir cháilitheachta le haghaidh tacaíocht a bheith comhlíonta más cuí, féadfaidh tuismitheoirí áit a fháil ar cheann amháin nó níos mó de na suíomhanna luath-idirghabhála a luaitear thuas. **Is é 20 uair an chloig teagaisc sa tseachtain ar a mhéad atá ar fáil faoin scéim. Laghdófar leithdháiltí a dhéanfar faoin Scéim Teagasc Baile má bhíonn an leanbh ag freastal ar shuíomh luath-idirghabhála eile.**

Iarrtar ort a nótáil go nglactar le hiarratais ar Theagasc Baile ar an tuisceant go bhféadfaí an t-eolas a chuirtear ar fáil, lena n-áirítear uimhreacha PSP, a roinnt le FSS, leis an NCSE, le hOifig an Aire Gnóthaí Leanaí agus Óige agus leis an Roinn Oideachais agus Scileanna chun a chinntiú nach gcuirfear cistiú dubailte ar fáil.

A luaithe a dhéantar diagnóis de neamhord de chuid speictream an uathachais i dtaca le leanbh, ba cheart do thuismitheoirí nó caomhnóirí teagmháil a dhéanamh leis an SENO áitiúil le fáil amach an bhfuil áit scoile ar fáil ina gceantar féin agus mura bhfuil chun sonraí an linbh a sholáthar don SENO ionas gur féidir tosú láithreach ar phleanáil a dhéanamh le haghaidh oideachas an linbh sa todhchaí. Gheofar sonraí teagmhála do SENO áitiúil ar www.ncse.ie. I gcás go n-aithníonn an NCSE áit scoile agus go

roghnaíonn na tuismitheoirí gan leas a bhaint as an áit mholta, ní cháileoidh an leanbh le haghaidh teagaisc i scoilbhliain 2012/13.

(c) Leanaí idir 2 ½ year agus 3 bliana d'aois (a measúnaíodh mar leanaí a bhfuil neamhord de chuid speictream an uathachais orthu, bunaithe ar chrithéir DSM IV or ICD 10).

Braitheann cáilitheacht sa chatagóir seo ar dhiagnóis de neamhord de chuid speictream an uathachais, bunaithe ar chrithéir DSM IV or ICD 10.

Ní mór gach cuid ábhartha den fhoirm seo a líonadh amach ina iomláine. Mura líontar amach an fhoirm ina hiomláine, d'fhéadfaí moill a chur ar d'iarratas. I gcásanna áirithe, beidh orainn an fhoirm a chur ar ais chugat lena comhlánú. Ní féidir ceadú a fháil ach amháin nuair a bhíonn an próiseas iarratais críochnaithe. Áirítear air sin litir cheadaithe a dheimhníonn túsdata an teagaisc.

4. Leithdháileadh uaireanta faoi théarmaí na scéime

(a) Leanaí a bhfuil staid mhíochaine shuntasach acu ar dócha go gcuirfidh sé isteach go mór ar a fhreastal leanúnach ar scoil.

Is é deich n-uaire an chloig teagaisc sa tseachtain ar a mhéad atá ar fáil do leanaí a bhfuil staid mhíochaine acu, agus léireoidh an leithdháileadh aois an libh agus an leibhéal tinrimh.

(b) Leanaí a bhfuil Riachtanais Speisialta Oideachais acu, atá ag feitheamh ar áit scoile, lena n-áirítear leanaí a bhfuil neamhord de chuid speictream an uathachais (ASD) orthu, atá 3 bliana nó os a chionn agus nach féidir leo áit a fháil i suíomh ASD, lena n-áirítear rang luath-idirghabhála.

Is é 20 uair an chloig teagaisc baile sa tseachtain ar mhéad atá ar fáil do leanaí atá ag feitheamh ar áit, faoi réir an fhéilire scoile chuí.

(c) Leanaí idir 2 ½ year agus 3 bliana d'aois (a measúnaíodh mar leanaí a bhfuil neamhord de chuid speictream an uathachais orthu, bunaithe ar chrithéir DSM IV or ICD 10).

Deich n-uair an chloig an leithdháileadh do leanaí a bhfuil ASD orthu agus atá faoi bhun 3 bliana d'aois ar mhaithe le clár oideachais luath-idirghabhála ar bhonn aonraic a sholáthar.

5. Cáilíochtaí na soláthraithe teagaisc:

Toisc go dtugtar an teagasc gan maoirseacht scoile ní mór a chinntiú gur múinteoir láncáilithe atá cláraithe leis an gComhairle Mhúinteoireachta a sholáthraíonn an teagasc.

Ach murar féidir soláthraí teagaisc ar múinteoir cáilithe cláraithe é nó í a fhostú ansin d'fhéadfadh cáilíochtaí eile a bheith inghlactha, de réir mar is cuí. Gheofar in [Aquisín A](#) sonraí na gcáilíochtaí a bheidh inghlactha sa mhéid seo. I gcás nach múinteoir cáilithe an teagascóir ainmnithe, ba cheart d'iarratasóirí fianaise a choimeád ar iarrachtaí a rinneadh chun teagascóir le cáilíocht mhúinteoireachta a fháil.

Le cáiliú don ráta íocaíochta laghdaithe, ní mór do mhúinteoir a bheith cláraithe agus aitheantas a bheith aige nó aici ón gComhairle Mhúinteoireachta. I gcás nach bhfuil aitheantas ag múinteoir ón gComhairle Mhúinteoireachta, ní mór mioneolas maidir le cáilíochtaí an duine sin a chur ar aghaidh go dtí an Roinn. Ní mór do sholáthraithe teagaisc nach bhfuil cláraithe leis an gComhairle Mhúinteoireachta cóip iomlán dá gcáilíochtaí cuí a sholáthar mar aon le haitheantas grianghrafach atá sínithe acu, m.sh. fótachóip de cheadúnas tiomána / de phas. Coimeádfar an comhartha aitheantais sin ar feitheamh ar an gcéad éileamh íocaíochta ionas gur féidir an síniú ar an bhfoirm éilimh a chur i gcomparáid leis an síniú ar an gcomhartha aitheantais. Nótálfar an síniú ar an gcomhad ansin agus cuirfear an comhartha aitheantais de láimh ar bhonn rúnda.

Ní ceadmhach do thuismitheoirí gníomhú mar theagascóirí dá leanaí féin ach amháin mar bhearta eatramhach eisceachtúil.

Ní ceadmhach tús a chur le teagasc ar bith go dtí go mbeidh cáilíochtaí agus comharthaí aitheantais an tsoláthraí teagaisc ceadaithe.

Faoi threoirínte na Roinne múinteoirí a roghnaíonn dul ar sos gairme (imlitir 10/03), jab a roinnt (imlitir 11/03) nó dul ar saoire neamhíoctha (imlitir 35/10), ní ceadmhach dóibh teagasc baile a sholáthar. Múinteoirí atá imithe ar scor agus atá ag fáil pinsin seirbhíse poiblí, is é an ráta laghdaithe amháin a íocfar leo.

D'fhéadfadh imlitir na Roinne 0031/2011 ar Chlárú, Earcú agus Cáilíochtaí Múinteoirí a bheith ina chabhair duit. Gheofar gach imlitir ar www.education.ie

6. Socruithe Grinnfhiosrúcháin

Ní mór gach teagascóir a bheith grinnfhiosraithe roimh tús a chur le Teagasc Baile a sholáthar.

Múinteoirí Cáilithe atá Cláraithe leis an gComhairle Mhúinteoireachta.

1. Más múinteoir aitheanta an teagascóir atá cláraithe nó a bhfuil iarratas déanta aici nó aige ar chlárú leis an gComhairle Mhúinteoireachta, ba cheart don teagascóir sin iarratas ar ghrinnfhiosrú a dhéanamh chuig an gComhairle. Ar an tslí chéanna, mura ndearnadh grinnfhiosrú i dtaca leis an teagascóir sa bhliain fhéilire chéanna nó sa bhliain roimhe sin, ní mór dóibh dul faoin bpróiseas grinnfhiosrúcháin arís. Ní mór don teagascóir foirm ghrinnfhiosrúcháin a iarraidh ón gComhairle Mhúinteoireachta trí ríomhphost a chur chuig vetting@teachingcouncil.ie ina mbeidh ainm agus seoladh poist iomlán, mar aon le deimhniú gur múinteoir í/í, nó féadfaidh siad glaoch ar an gComhairle Mhúinteoireachta ag 01 6517900.
2. Múinteoirí aitheanta a ndearnadh grinnfhiosrú maidir leo sa bhliain fhéilire nó sa bhliain roimhe sin, faoi scáth na Comhairle Múinteoireachta, ní gá dóibh athiarratas a dhéanamh ar ghrinnfhiosrú. Ach ní mór do na múinteoirí sin bheith in ann an litir ghrinnfhiosrúcháin bhunaidh a chur ar fáil do na tuismitheoirí agus cóip dheimhnithe don Roinn.

Ní mór do gach teagascóir *Dearbhú Reachtúil (Aguisín 2)* agus an *Fhoirm Ghealltanais (Aguisín 3)* a chomhlánú agus a sheoladh go dtí an Roinn.

Múinteoirí neamhcháilithe nach bhfuil aitheantas acu ón gComhairle Mhúinteoireachta.

Más múinteoir neamhaitheanta í nó é, ní mór dóibh iarratas a dhéanamh chuig an Roinn ar ghrinnfhiosrú trí Fhoirm Ghrinnfhiosrúcháin Gharda a líonadh isteach (*Aguisín 1*). Ní mór don teagascóir an *Dearbhú Reachtúil (Aguisín 2)* agus an *Fhoirm Ghealltanais (Aguisín 3)* a líonadh isteach agus gach foirm a chur ar aghaidh go dtí an Rannóg Oideachas Speisialta leis an bhfoirm iarratais.

Beidh an Roinn i dteagmháil le hOifig Ghrinnfhiosrúcháin an Gharda chun an fhoirm a phróiseáil. Déanfar gach iarracht an próiseas grinnfhiosrúcháin a chríochnú sula dtosaíonn an teagasc. Ach murar féidir, is ceadmhach tús a chur leis an teagasc má tá *Dearbhú Reachtúil (Aguisín 2)* agus an *Fhoirm Ghealltanais (Aguisín 3)* comhlánaithe agus curtha ar aghaidh.

Beidh an Roinn Oideachais agus Scileanna i dteagmháil le Lár-Oifig Ghrinnfhiosrúcháin an Gharda maidir leis seo nuair a gheofar na doiciméid chúí ón dteagascóir. Ní thugann Lár-Aonad Grinnfhiosrúcháin an Gharda imréiteach do dhaoine chun dul i mbun oibre le leanaí. Is éard a thugann an tAonad don Roinn ná ráiteas nach bhfuil aon chiontú in aghaidh an iarratasóra taifeadta ar thaifid an Gharda. Cuirfidh an Roinn an t-eolas sin in iúl do na tuismitheoirí. I gcás go bhfuil ciontú maidir le mí-úsáid leanaí taifeadta in

aghaidh iarratasóra molfaidh an Roinn do na tuismitheoirí gan an t-iarratasóir sin a fhostú mar theagascóir.

7. Comhlánú na foirme iarratais

Tá dhá chuid san foirm iarratais.

I Roinn 1 iarrtar sonraí ginearálta mar shampla ainm, seoladh agus iarthagairt leithdháilte más cuí, agus sonraí cáilíochtaí an tsoláthraí/na soláthraithe ainmnithe teagaisc.

Tá trí chuid i Roinn 2 ach ní bhainfidh **ach ceann amháin díobh le haon chás ar leith**:

I Roinn 2(a) a líonadh isteach i gcás leanaí atá ag déanamh iarratais ar theagasc i gcás ina bhféadfadh staid shuntasac mhíochaine cur isteach go mór ar a bhfreastal leanúnach ar scoil. Ba cheart cóipeanna de thuarascálacha gairmiúla agus/nó míochaine, mar is cuí, a bheith ceangailte den fhoirm.

I Roinn 2 (b) lorgáítear sonraí i dtaobh áiteanna do leanaí a bhfuil Riachtanais Speisialta Oideachais acu, atá ag feitheamh ar áit scoile, mar bheart eatramhach, lena n-áirítear leanaí a bhfuil neamhord de chuid speictream an uathachais (ASD) orthu, atá 3 bliana nó os a chionn agus nach féidir leo áit a fháil i suíomh ASD, lena n-áirítear rang luath-idirghabhála. Ba cheart cóipeanna de thuarascálacha gairmiúla agus/nó míochaine, mar is cuí, a bheith ceangailte den fhoirm. Beidh sonraí agus fóirú teagmhála leis an NCSE ag teastáil, leis.

Díríonn Roinn 2 (c) go sonrach ar iarratais ar theagasc ar son leanaí idir 2 ½ year agus 3 bliana d'aois (a measúnaíodh mar leanaí a bhfuil neamhord de chuid speictream an uathachais orthu, bunaithe ar chrithéir DSM IV or ICD 10). Ba cheart cóipeanna de thuarascálacha gairmiúla agus/nó míochaine, mar is cuí, a bheith ceangailte den fhoirm. Beidh sonraí agus fóirú teagmhála leis an NCSE ag teastáil, leis.

Ní mór gach cuid ábhartha den fhoirm seo a líonadh amach ina iomláine. Mura líontar amach an fhoirm ina hiomláine, d'fhéadfaí moill a chur ar d'iarratas. I gcásanna áirithe, beidh orainn an fhoirm a chur ar ais chugat lena comhlánú. Ní féidir ceadú a fháil ach amháin nuair a bhíonn an próiseas iarratais críochnaithe. Áirítear air sin litir cheadaithe a dheimhníonn túsdata an teagaisc. Chun geilleadh do shocruithe grinnfhiosrúcháin na scéime, ní mór Aguisín 2, agus i gcásanna áirithe Aguisín 1, a chomhlánú.

Íoslódáil Foirm Iarratais (File Format Word 160KB) nó is féidir teagmháil dhíreach a dhéanamh leis an rannóg thuas.

8: Nósanna imeachta Íocaíochta

Cuirtear in iúl do thuismitheoirí/do chaomhnóirí nach ndéanfar íocaíochtaí teagasc baile a shiardhátú i gcás ar bith. Ní féidir ceadú a fháil ach amháin nuair a bhíonn an próiseas iarratais críochnaithe. Áirítear air sin litir cheadaithe a dheimhníonn túsdata an teagaisc.

A luaithe a fhaightear ceadú le haghaidh soláthar Teagasc Baile, cuirtear cóip den litir cheadaithe chuig rannóg íocaíochtaí teagasc baile na Roinne seo. Leis an rannóg íocaíochtaí a bheifear ag déileáil as sin amach. Gheofar sonraí na rátaí íocaíochta in Aguisín B.

Ach má thagann athrú ar na tosca inar ceadaíodh teagasc baile ba cheart é sin a chur in iúl don Rannóg Oideachais Speisialta láithreach.

An tslí a n-íoctar an deontas

Moltar go láidir do thuismitheoirí agus do chaomhnóirí dlíthiúla na Ceisteanna Coitianta i dtaobh na nósanna imeachta maidir leis an Deontas Teagasc Baile a léamh sula gcuirtear aon teagasc ar fáil. Ba cheart na CCanna a íoslódáil ó shuíomh idirlína na Roinne seo ag www.education.ie

Íoctar deontais Teagasc Baile ar shlí ar leith.

(A) Más múinteoir atá ar phárolla bhunmhúinteoirí na Roinne Oideachais i láthair na huaire **mar bhunmhúinteoir buan** a sholáthraíonn an teagasc, íocfar *í/é* go díreach trí phárolla na Roinne.

Ba cheart foirm éilimh chomhlánaithe sínithe ag an tuismitheoir agus an múinteoir araon a chur ar aghaidh go dtí an rannóg íocaíochtaí ag deireadh gach míosa. Níor cheart do thuismitheoirí teagascóirí ar bunmhúinteoirí buana iad a íoc ós rud é nach n-aisíocfaidh an Roinn thú as aon íocaíocht dá sórt.

(B) Más múinteoir / teagascóir nach bhfuil ar phárolla bhunmhúinteoirí na Roinne Oideachais i láthair an té a sholáthraíonn an teagasc, ní mór an íocaíocht a dhéanamh díreach le caomhnóir dlíthiúil an linbh. Déantar íocaíochtaí dá sórt i bhfoirm **Ríomhaistriú Cistí (EFT) amháin** díreach isteach i gcuntas bainc an chaomhnóra dhlíthiúil amháin. Ní cheadaítear íocaíocht a chur go díreach isteach i gcuntas bainc teagascóra. Tuismitheoir/caomhnóir dlíthiúil an linbh amháin atá i dteideal íocaíocht Teagasc Baile a lorg.

Cathain a eiseofar an íocaíocht?

Ba cheart íocaíocht a bheith faighte idir ceithre seachtaine agus sé seachtaine ón bhfoirm éilimh a bheith faighte ag an Roinn. Eiseoidh an Roinn íocaíocht roimh ré ar an éileamh a bheith faighte i gcás na dtréimhsí Meán Fómhair 2012 go Nollaig 2012 agus ó Eanáir 2013 go dtí deireadh na scoilbhliana seo. Gheofar sonraí na slí le réamhíocaíocht a iarraidh ar an bhfoirm éilimh, atá ar fáil ar shuíomh idirlín na Roinne seo. Tugtar suíomh idirlín na Roinne seo cothrom le dáta gach seachtain le go bhfeicfidh tuismitheoirí stádas na n-éileamh ar íocaíocht atá faighte.

Más amhlaidh go bhfuil níos mó ná teagascóir amháin ag soláthar teagasc don leanbh céanna ar rátaí difriúla pá, d'fhéadfadh sé nárbh féidir réamhíocaíocht a dhéanamh agus beidh ar thuismitheoirí éileamh a dhéanamh i riaráiste gach mí.

Ba cheart éilimh dá éis a phróiseáil laistigh de thréimhse oibre 5-10 lá.

Ceisteanna eile a bhaineann le híocaíochtaí Teagasc Baile:

Chun géilleadh don reachtaíocht atá anois i bhfeidhm,

Ní mór UPSP gach duine, idir thuismitheoirí agus theagascóirí, a sholáthar sular féidir íocaíocht a bhreithniú.

Tuismitheoirí / caomhnóirí dlíthiúla

a fhaigheann íocaíochtaí díreacha deontais, ní mór dóibh deimhniú imréiteach cánach cuí ina n-ainm féin a sholáthar.

Ní féidir íocaíocht a eisiúint gan an deimhniú sin a bheith faighte.

Gheofar eolas ar imréiteach cánach ach dul chuig www.revenue.ie.

Is féidir iarratas a dhéanamh ar dheimhniú imréiteach cánach ó na Coimisinéirí Ioncaim ach dul chuig: www.revenue.ie/en/business/running/tax-clearance.htmlonline.

Meabhraítear do thuismitheoirí, do mhúinteoirí agus do theagascóirí go gcuirtear sonraí airgeadais faoin reachtaíocht reatha i dtaca leis an scéim sin ar aghaidh gach bliain go dtí na Coimisinéirí Ioncaim.

Ní íoctar aon liúntas taistil nó liúntas cothabhála maidir le teagasc baile.

Additional claim forms for the payment of the home tuition grants are available at www.education.ie.

9. Ceisteanna

Is féidir ceisteanna mar gheall ar an scéim teagasc baile a chur chuig:

An tAonad Teagasc Baile, An Rannóg Oideachais Speisialta, An Roinn Oideachais & Scileanna, Baile Átha Luain, Co. na hIarmhí.

Uimhir theagmhála: 090 6483757, 090 6483926, 090 6483921.

Is féidir ceisteanna mar gheall ar an scéim teagasc baile a chur chuig:

Riachtanais Speisialta agus Deontais Teagaisc, Rannán na Scoileanna – Airgeadas,
An Roinn Oideachais & Scileanna, Baile Átha Luain, Co. na hIarmhí.

Uimhir theagmhála: 090 6483750, 090 6484239, 090 6483872.

Seoladh ríomhphoist: sntg@education.gov.ie

Jim Mulkerrins

Príomhoifigeach

Special Education Section

Meitheamh 2012

Gheofar cóip den chiorclán seo ar shuíomh idirlín na Roinn Oideachais agus Scileanna
ag www.education.ie

Gheofar cóip den imlitir seo ar shuíomh Gréasáin na Roinne Oideachais agus Scileanna
ag www.education.ie

AGUISÍN A:

An Scéim Teagasc Baile

Toisc go dtugtar an teagasc gan maoirseacht scoile ní mór a chinntiú gur múinteoir láncháilithe atá cláraithe leis an gComhairle Mhúinteoireachta a sholáthraíonn an teagasc baile.

Ach murar féidir soláthraí teagasc ar múinteoir cáilithe cláraithe é nó í a earcú ansin d'fhéadfadh cáilíochtaí eile a bheith inghlactha, ar a n-áirítear na cáilíochtaí seo a leanas:

- **Baitsiléir san Oideachas, Ard-Diplóma san Oideachas, Cáilíocht Montessori**
– **Diplóma Náisiúnta/Baitsiléir Ealaíon i nDaonnachtaí in Oideachas Montessori i gColáiste San Nioclás, Dún Laoghaire**
- **Stádas Múinteora Cáilithe ón Ríocht Aontaithe**
- **Cáilíocht thríú leibhéal B.A., B.Sc, Síceolaíochta, RNMH srl.**
(ag brath ar na cúinsí)
- **Cáilíocht san uathachas (cáilíocht shonrach uathachais) nó cáilíocht ó Choláiste Phádraig, Droim Conrach, nó ó Ollscoil Birmingham, nó ó Ollscoil eile sa RA; (nó ó SAM/ón Astráil) nó cáilíocht i gcur chuige feidhmeach i leith daltaí le huathachas a mhúineadh – in ABA, PECS, TEACCH. Cúrsa oifigiúil teastais nó diplóma arna dhaingniú ag ollscoil, coláiste nó eagraíocht a chaithfidh a bheith sa cháilíocht sin. (Ní bheidh gearrchúrsa nó teastas scoile srl. inghlactha): nó**
- **Cúrsa trí bliana lánaimseartha ag Coláiste Montessori i mBaile an Mhuilinn a bheith tugtha chun críche go rathúil**

AGUISÍN B

An Scéim Teagasc Baile

Rátaí íocaíochta

Tá dhá ráta íocaíochta ann do theagascóirí a sholáthraíonn teagasc baile – an ráta caighdeánach agus an ráta laghdaithe

D'fhéadfaí na rátaí íocaíochta sin a athrú. Seo a leanas na rátaí is infheidhme:

Ráta caighdeánach:

I gcás bunmhúinteora cáilithe atá cláraithe leis an gComhairle Mhúinteoireachta

agus atá ag soláthar teagasc do dhalta bunscoile: € 34.54 san uair

Iar-bhunmhúinteoir cáilithe

atá ag soláthar teagasc do dhalta iar-bhunscoile: € 34.22 san uair

An ráta laghdaithe:

I gcás nach bhfuil an teagascóir cláraithe leis an gComhairle Mhúinteoireachta agus/nó nach bhfuil sé cáilithe chun dul ag múineadh san earnáil ina bhfuil an teagasc á soláthar ansin cuirfear an ráta laghdaithe i bhfeidhm.

An ráta laghdaithe: € 26.07 san uair oibre.

Múinteoirí atá imithe ar scor agus atá ag fáil pinsin seirbhíse poiblí, is é an ráta laghdaithe amháin a íocfar leo.